



**UNIT KOMUNIKASI KORPORAT
IBU PEJABAT MARITIM NEGERI SARAWAK
AGENSI PENGUATKUASAAN MARITIM MALAYSIA
KEMENTERIAN DALAM NEGERI**
Kompleks Maritim Tun Abang Salahuddin (KOMTAS)
Lot 1358, Jalan Bako, Muara Tebas
93050 KUCHING
SARAWAK



Telefon : **082-432500 / 432540**
Fax : **082-432502 / 432557**
Bilik Operasi (24 Jam) : **082-432544**

Ruj Kami : APMM.W4.100-2/1/7 Jld11(7)
Tarikh : 14 Mac 2022

SIARAN MEDIA

BERLABUH TANPA KEBENARAN, KAPAL TANGKI DITAHAN

Miri, 14 Mac- Agensi Penguatkuasaan Maritim Malaysia (Maritim Malaysia) Zon Maritim Miri telah menahan sebuah kapal tangki pada jarak lebih kurang tujuh batu nautika dari barat daya Kuala Bakam, malam semalam.

Pengarah Zon Maritim Miri Kepten Maritim Mohd Shafie bin Haji Paing berkata, kapal tersebut ditahan pada jam 9.30 malam semalam, kerana berlabuh di luar batas pelabuhan tanpa kebenaran dari Ketua Pengarah Jabatan Laut Malaysia.

Hasil pemeriksaan dan geledah mendapati, kapal tersebut berdaftar di Port Klang dan dikendalikan oleh lapan orang kru lelaki termasuk nakhoda iaitu seorang warga tempatan dan tujuh warga Myanmar berusia dalam lingkungan 22 tahun hingga 53 tahun.

Kesemua tujuh kru warga Myanmar tersebut turut gagal mengemukakan sebarang dokumen pengenalan diri yang sah ketika diperiksa oleh penguat kuasa.

Perintah penahanan ke atas kesemua kru dan kapal tersebut telah dikeluarkan untuk tindakan dan siasatan lanjut.

Kes akan disiasat di bawah Akta Imigresen 1959/63 kerana gagal mengemukakan pengenalan diri yang sah dan di bawah Ordinan Perkapalan Saudagar 1952/60 kerana berlabuh tunggu tanpa kebenaran daripada Ketua Pengarah Jabatan Laut

Malaysia. Jika disabitkan kesalahan boleh dikenakan denda tidak melebihi RM100,000 atau penjara dua tahun atau kedua-duanya sekali.

Maritim Malaysia akan terus komited dalam melaksanakan rondaan dan pemantauan dari masa ke semasa bagi mencegah pelanggaran undang-undang, penyeludupan, pencerobohan dan jenayah maritim yang berlaku di Perairan Zon Maritim Malaysia amnya dan di perairan Zon Maritim Miri khasnya.

Sebarang aduan serta maklumat berkenaan dengan sebarang aktiviti yang mencurigakan atau insiden kecemasan di laut, orang ramai boleh menghubungi Pusat Operasi Zon Maritim Miri di talian 085-418204 atau Pusat Operasi Maritim Negeri Sarawak di talian 082-432544 atau MERS 999 yang beroperasi 24 jam.

KEPTEN MARITIM MOHD SHAFIE BIN HAJI PAING
PENGARAH ZON MARITIM MIRI
MARITIM NEGERI SARAWAK

-TAMAT-

Sebarang pertanyaan, sila hubungi:-
Pegawai Perhubungan Awam Zon Maritim Miri

Leftenan Madya Maritim Mohd Shafeyk Bin Ahmad

No Tel : 014-8315242
Emel : mohdshafeyk@mmea.gov.my